

Transkription von Urkunde HGW 1382b

Ort, Datierung: Greifswald, 1382-02-01

Signatur: Stadtarchiv Hansestadt Greifswald, Rep. 2 Nr. 157 [\[online\]](#)

Inhalt: Hennynck Bere: Quittung

All de ghenen de dessen bref zeen horen lesen . zo beke(n)ne ik hennýngk bere / dede wonet tho
Slawetegh vnde myne rechten erfname(n) dat wý hebben vor koft / zenen morghen holtes den eerliken
luden alze her hinrike stuwelberghe her / ma(thi)as leuenh(a)gghen vnde her johan lowen vorstender
tho zu(n)te juryen vor deme / Grypeswolde an ener stede begrepen dede het de smale drjk . vnde dat
vorebenomede / holt hebben ze my betalet vor achteýnmark sundesscher pennýnghe . vnde scoln dat /
vorebenomede holt hebben myt aldeme rechte also holtrecht zo zecht dre winter tho / howende na
dessem winter de nú is zu(n)der Jenegherleye hindernýsse van vns vn(de) / van vnsen rechten
erfname(n) . vnde zho ener grotheren bewaringhe zo hebbe ik myn / Jnghezeghel ghehenghet vor
dessen bref de gheuen vnde screuen is Na godes bord / tho deme gh(rep)swalde Dusent Jar dre hundert
Jar . on deme twe vnde achtighesten / Jare an lichtmýssen auende